

采菽堂古詩選

采菽堂古詩選卷之二十六目次

梁五

吳均

秦王卷衣

採蓮曲

有所思

雍臺

楚妃曲

白浮鳩

陽春歌

淶水曲

綠竹

行路難二曲

登鍾山燕集望西靜壇

與劉惔相贈答二首

贈任黃門二首

答蕭新浦

酬周叅軍

贈杜容成

贈搖郎

贈王桂陽別

酬別

贈別新林

發湘州贈親故別

同柳吳興烏亭集送柳舍人

送柳吳興竹亭集

春怨

贈周散騎興嗣

贈周興嗣

江上酬鮑幾

酬聞人侍郎別

別王謙

奉使廬陵

古意五首

雪

春詠

主人池前鶴

雜句

山中雜詩

周興嗣

答吳均

何遜

銅雀妓

擬輕薄篇

望廨前水竹答崔錄事

暮秋答朱記室

酬范記室雲

日夕望江山贈魚司馬

道中贈桓司馬季珪

夕望江橋示蕭諮議楊建康江主簿

寄江州褚諮議  
入西塞示南府同僚

下直出溪邊望答虞丹徒敬

贈諸遊舊  
秋夕仰贈從兄寘南

贈江長史別  
送韋司馬別

南還道中送贈劉諮議別

與崔錄事別兼敘攜手

別沈助教  
與蘇允德別

贈韋記室黯別  
初發新林

渡連圻

下方山

入東經諸暨縣下浙江作

還渡五洲

宿南洲浦

學古贈丘永嘉征還

和蕭諮議岑離閨怨

嘲劉郎

詠照鏡

學古

臨行公車

夜夢故人

從主移西州寓直齋內霖雨不晴懷郡中遊聚

劉博士江丞朱從事同顧不值作詩云爾

春暮喜晴酬袁戶曹苦雨

苦熱

七夕

詠早梅

行經孫氏陵

塘邊見古塚

登禪岡寺望和虞記室

贈王左丞

敬酬王明府

野夕答孫郎擢

日夕出富陽浦口和朗公

臨行與故遊夜別

與胡興安夜別

車中見新林分別甚盛

曉發

慈姥磯

見征人分別

同虞記室登樓望遠歸

與虞記室諸人詠扇

望新月示同羈

行經范僕射故宅

送褚都曹聯句

送司馬入五城聯句

邊城思

爲人妾思

爲人妾怨

閨怨二首

苑中

苑中見美人

相送

臨別聯句

照水聯句

相送聯句

蕭子範

東亭極望

望秋月



蕭子顯

春閨思

春別二首

蕭子雲

東郊望春訓王建安雋晚遊

落日郡西齋望海山

寒夜直坊憶袁三公

蕭鈞

晚景遊泛懷友

采菽堂古詩選

卷之二十六

虎林陳祚明胤倩父評選

梁五

吳均

字叔庠吳興故章人也天監初柳惔爲吳興召補主簿日引與賦詩均文體清拔有古氣好事者效之謂爲吳均體建安王引爲記室尋爲國侍郎還除奉朝請奉詔撰通史未就而卒

○均詩氣非不清而一往輕率都無深致想其才氣俊邁亦太白之流也

秦王卷衣

咸陽春草芳秦帝卷衣裳玉檢茱萸匣金泥蘇合香  
初芳薰複帳餘輝耀玉牀當須晏朝罷持此贈華陽

一作龍陽○此所謂有古氣者

古詩選

卷之二十六

采蓮曲

錦帶襍花鈿羅衣垂綠川  
問子今何去出採江南蓮  
遼西三千里欲寄無因緣  
願君早旋返及此荷花鮮

筆稍健

有所思

薄暮有所思終持淚煎骨  
春風驚我心秋露傷君髮

亦欲淪晚唐然晚唐詎能及

雍臺

雍臺十二樓樓樓鬱相望  
隴西飛狐口白日盡無光

楚妃曲

春妝約春黛如月復如蛾玉釵照繡領金薄厠紅羅

於此別  
古近

白浮鵞

瑯琊白浮鵞紫翳飄陌頭食飲東莞野棲宿越王樓

陽春歌

紫苔初泛水連綿浮且沒若欲歌陽春先歌青樓月

淥水曲

香暖金堤滿湛淡春塘溢已送行臺花復倒高樓日

送花言其流倒日言  
其靜校唐絕大高

綠竹

嬋娟鄣綺殿繞弱拂春漪何當逢採拾爲君笙與篴

上二

句佳

行路難二首

本五首辭冗猥雜  
選可誦者二篇

君不見西陵田從橫十字成陌阡君不見東郊道荒涼  
蕪沒起寒煙盡是昔年帝王處歌姬舞女達天曙  
今日翩妍少年子不知華盛落前去吐心吐氣許他  
人今旦迴惑生猶豫山中桂樹自有枝心中方寸自  
相知何言歲月忽若馳君之情意與我離還君玳瑁  
金雀釵不忍見此使心危

山中桂樹以下聲情並  
古○押危字亦未安

其二

君不見長安客舍阿倡家少女名桃根貧窮夜紡無  
燈燭何言一朝奉至尊至尊離宮百餘處千門萬戶  
不知曙唯聞啞啞城上烏玉欄金井牽轆轤丹梁翠  
柱飛流蘇香薪桂火炊雕胡一作影當年翻覆無常定  
薄命爲女何必羸羸羸何必羸嫌羸

登鍾山燕集望西靜壇

客思何以緩春郊滿初律高車陸離至駿騎差池出  
寶枕泛蓮花珍杯食竹實才勝商山四文高竹林七  
復望子喬壇金繩蘊綠帙風雲生屋宇芝映被仙室  
方隨鳳凰去悠然駕白日才勝二句新

與柳惲相贈答二首

黃鵬飛上苑綠芷出汀洲日映昆明水春生鵙鵲樓  
飄颻白花舞瀾漫紫萍流書織迴文錦無因寄隴頭  
思君甚瓊樹不見方離憂

稍得古意

其二

白日隱城樓勁風掃寒木離析隔東西執手異涼燠  
相思咽不言洞房清且肅歲去甚流煙年來如轉軸  
別鶴千里飛孤雌夜未宿

歲去二句佳

贈任黃門二首

相如體英彥左右生容輝已紆漢帝組復解梁王衣

經過雲母扇出入千

一作金

門扉連洲茂芳杜長山鬱

翠微欲言終未吐默默獨依依

情在不言自  
荷之意已具

其二

紛吾少馳騁自來乏名德白玉鏤衢鞍黃金瑪瑙勒

射鵬靈丘下驅馬雁門北殷勤盡日華畱連窮景黑

歲暮竟無成憂來坐默默

都不言攀援  
意寓言外

答蕭新浦

僕本二陵徒英豪多久要角觝良家兒期門惡年少

身

一作腰

紆丈二組手擎尺一詔問子行何去高帆艤

江干今夜杯酒別明朝江水邊莓莓看細雨漠漠視



濃煙颯灑八銅剪低昂五會船欲知故人者江南共  
採蓮悵然心不樂跨馬出城壕觀濤看白鷺望草見  
青袍青袍行中把蔽草覆平野公子不垂堂紛紛故  
交者肘懸辟邪印屋曜鴛鴦瓦翩翩流水車蕭蕭曳  
練馬是時君別我青莎沒馬蹄連連文蠶繭鷺鷥伺  
朝雞今日予懷友積恨一作雪滿東西轉折灑落青蓮有之○酬蕭新  
浦王洗馬之二有一年流  
淚同萬里相思各句警拔

酬周叅軍

日暮憂人起倚戶悵無懽水傳洞庭遠風送雁門寒  
江南霜雪重相如衣服單沈雲隱喬集作高樹細雨滅

層巒且當對樽酒朱弦永夜彈

悠悠有情

### 贈杜容成

一燕海上來一燕高堂息一朝相逢遇依然舊相識  
問余來何遲山川幾紆直答言海路長風駛飛無力  
昔別縫羅衣春風初入帷今來夏欲晚桑扈薄樹飛  
輕婉入情

### 贈搖郎

搖一作姚

星漢正參差佳人不在斯宿昔暫乖阻何異遠分離  
露染蘼蕪葉日照茝蘭枝風光已飄薄雲采復逶迤  
勞夢無人覺默默心自知

贈王桂陽別

樹響浹山來猿

一作溪

聲繞岫急旅帆風飄揚行巾露

沾濕深浪闇蒹葭濃雲沒城邑不見別離人獨有相

思泣

流逸似唐人五言

訓別

故人杯酒別天清明月亮露下寒葭中風起秋江上

衣染潺湲泣棹犯參差浪七首值千金七寶雕華裝

生離何用哀賴此持相餉

爽調押韻有力

贈別新林

一作江潭怨

僕本幽并兒抱劍事邊陲風亂青絲絡霧染黃金羈

天子旣無賞公卿竟不知去去歸去來還傾鸚鵡杯  
氣爲故交絕心爲新知開但令寸心是何須銅雀臺  
極似  
太白

發湘州贈親故別

君畱朱門裏我至廣江濱城高望猶見風多聽不聞  
流蘋方繞繞落葉向一作尚紛紛無由得共賞山川間

白雲三四  
人情

同柳吳興烏亭集送柳舍人

河陽一悵望南浦送將歸雲山離曉曉花霧共依霏  
流連百舌畔上下陽禽飛桂舟無淹柅玉軫有離徽

願君嗣蘭杜時采東臯薇

語近而聲亮

送柳吳興竹亭集

平原不可望波瀾千里直夕魚汀下戲暮雨簷中息  
白雲時去來青峯復負側躑躅牛羊下晦昧崦嵫色  
王孫猶未歸且聽西光匿

押韻並有作意

春怨

四時如湍水飛奔競迴復夜鳥響嚶嚶朝花照煜煜  
厭見花成子多看筍爲竹萬里斷音書十載異棲宿  
積愁落芳鬢長啼壞美目君去往榆關妾畱住函谷  
唯對昔邪房如愧蜘蛛屋獨喚響相酬還持影自逐

象牀易氊簟羅衣變單複幾過度風霜猶能保煢獨  
極寫久別之情淋漓曲盡

贈周散騎興嗣

子雲好飲酒家在成都縣製賦已百篇彈琴復千轉  
敬通不富豪相如本貧賤共作失職人包山一相見  
然

贈周興嗣

與君初相知不言異一宿意欲褰衣裳陰雲亂人目  
之子伏高臥伊予空杼軸無因渡淇水見此猗猗竹

江上酬鮑幾

振棹出江濤，依依望九疑。欲謁蒼梧帝，過問沅湘姬。  
折荷縫作蓋，落羽紡成絲。吾行別有意，不爲君道之。  
將懷長往之情五  
六新秀結故宕遠

酬聞人侍郎別

悵然心不樂，萬里向悠悠。凌朝憩枉渚，薄暮遵江洲。  
君住青門上，我發霸陵頭。相思自有處，春風明月樓。  
結悠  
然

別王謙

嚴光不逐世流轉，任飛蓬欲還天台嶺。不狎甘泉宮，  
離歌玉弦絕。別酒金卮空，倘遺故人念。僕在東山東，

與太白  
神似

奉使廬陵

悵然不自怡端憂坐漠漠風急雁毛斷冰堅馬蹄落  
客子饑寒多江上衣裝薄何當報恩罷驅車還北郭  
總是率調  
而情差真

古意五首

並是率然而  
成稍取清麗

雜鹵寇銅鋌征役去三齊扶山剪疏勒傷海掃沈黎  
劍光夜揮電馬汗晝成泥何當見天子畫地取關西  
其二

匈奴數欲盡僕在玉門關蓮花穿劍鏑秋月掩刀環



春機思

一作鳴

窈窕夏鳥鳴

一作思

綿蠻中人坐相望狂

夫終未還

其三

賤妾思不堪採桑渭城南帶減連枝繡髮亂鳳皇簪

一作簪

花舞依長薄蛾飛愛綠潭無由報君信流涕向

春蠶

結佳

其四

妾本倡家女出入魏王宮既得承瑀輦亦在更衣中  
蓮花銜青雀寶粟鈿金蟲猶言不得意流涕憶遼東

其五

妾家橫塘北發豔小長干花釵玉宛轉珠繩金絡統  
一作九 羃歷懸丹一作青 鳳透迤搖白團誰能分見此舍  
恨不能言

雪

雪逐春風來過集巫山野瀾漫雖可愛悠揚詎堪把  
問君何所思昔日同心者坐須風雪霽相期洛城下

直瀉  
清泚

春詠

集作  
春日

春從何處來拂水復驚梅雲障青鎖闥風吹承露臺  
美人隔千里羅幃閉不開無由得共語空對相思杯

一起飄蕩通  
首有古調

主人池前鶴

本自乘軒者爲君階下禽  
摧藏多好貌清唳有奇音  
稻梁惠旣重華池遇亦深  
懷恩未忍去非無江海心

稍有古意

襍句

泣聽離夕歌悲銜別時酒  
自從今日去當復相思否

山中雜詩

一作還山

山際見來煙竹中窺落日  
鳥向簷上飛雲從牕裏出

寫山

深迴

周興嗣

字思纂項郡人世居姑熟遷員外散騎侍郎給事中直西省左衛率

答吳均

明燈照暗室邊韶對趙壹但酌中山酒唯甘江浦橘  
風動雲入箕雨至月離畢王丹贈不拜是我相知日

後漢王丹贈陳遺以不拜  
○邊韶對趙壹甚新有趣

何遜

字仲言東海郊人承天曾孫也天監中起家奉朝請遷建安王水曹參軍王愛文學日與

宴遊及遷江州遜猶掌書記復爲安西安成二王參軍事兼尚書水部郎除廬陵王記室復隨府江州未幾卒○南史本傳云遜舉秀才范雲見其對策大相稱賞因結忘年交好自是一文一詠雲輒嗟賞謂所親曰頃觀文人質則過懦麗則傷俗其能令清濁中今古見之何生矣沈約嘗謂遜曰吾每讀卿詩一日三復猶不能已其爲名流所稱如此初與劉孝綽並見重於時

謂之何劉然劉甚忌之○東觀餘論跋何水曹  
集云選詩少陵常引昏鴉接翅歸金粟裏搔頭  
語此集無有集中若團團月隱洲輕燕逐風花  
遠岸平沙合連山遠霧浮岸花臨水發江燕遶  
檣飛遊魚上急瀨薄雲巖際宿子美皆采爲已  
句但小異耳故曰能詩何水曹非虛語也○何  
仲言詩經營匠心惟取神會生乎駢麗之時擺  
脫填綴之習清機自引天懷獨流狀景必幽吐  
情能盡故應前服休文後欽子美後人不詳旨  
趣動以駢麗少六朝抑知六朝詩文本饒清緒  
縱復取青妃白中含宛轉之情況多濯粉滌朱  
獨表清揚之質惟異有述何代無才若捐意徇  
辭務華棄實雖日間有豈是同然而耳食者槩  
廢諸家膚襲者又詭竊餘論試取休文仲言之  
集切磋商究之寧不爽然自失乎少陵於仲言之  
作甚相愛慕集中警句每見規模風格相承脉  
絡有本淺學者源流弗攷一往吹聲今徒知推  
服少陵而於少陵所推服者反加詆毀可乎予  
選古詩雖齊梁以後不敢忽略誠以有唐大家  
恒多從此取徑雖命體不同而楚風漢謠並成

其美春蘭秋菊各因其時採擷流風咸饒逸韻  
也然求其跌宕若休文高深若彥昇清迥若仲  
言者亦不多得矣○何仲言詩如層巖飛瀑  
湓湓下垂如縷不絕而清光映徹毛髮可鑑

### 銅雀妓

秋風木葉落蕭瑟管絃清望陵歌對酒向帳舞空城

寂寂簷

一作簾

宇曠飄飄帷幔輕曲終相顧起日暮松

栢聲

合作

### 擬輕薄篇

城東美少年重身輕萬億柘彈隨珠九白馬黃金飾

一作勒

長安九逵上青槐蔭道植轂擊晨已喧肩排暝

不息走狗通西望牽牛亘南直相期百戲傍去來三

市側象牀沓繡被玉盤傳綺食倡女掩歌扇小婦開  
簾織相看獨隱笑見人還斂色黃鵠悲故羣山枝詠  
新識烏飛過客盡崔聚行龍匿酌羽方厭厭此時懽  
未極

淹麗之章相  
看二句殊肖

望解前水竹答崔錄事

蕭蕭聚竹映澹澹平湖淨葉倒漣漪文水漾檀欒影  
相思不會面相望空延頸遠天去浮雲長壚斜落景  
幽疴與歲積賞心隨事屏鄉念一遭廻白髮生俄頃  
怨與情俱勝  
○押韻自然

暮秋答朱記室

游揚日色淺騷屑風音勁寒潭見底清風色極天淨  
寸陰坐銷鑠千里長遼迴桃李爾繁華松栢余本性  
故心不存此高文徒可詠

桃李二句古意

### 酬范記室雲

林密戶稍陰草滋階欲暗風光蕊上輕日色花中亂  
相思不獨懽佇立空爲歎清談莫共理繁文徒可玩

高唱子自輕繼音予可憚

三四生動

### 日夕望江山贈魚司馬

湓城帶湓水湓水縈如帶日夕望高城耿耿青雲外  
城中多宴賞絲竹常繁會管聲已流悅弦聲復淒切



歌黛慘如愁舞腰凝欲絕仲秋黃葉下長風正騷屑  
早雁出雲歸故燕辭檐別晝悲在異縣夜夢還洛汭  
洛汭何悠悠起望西南樓的的帆向浦團團月映一  
隱洲誰能一羽化輕舉逐飛浮其聲調則西洲之遺作一  
切

道中贈桓司馬季珪

晨纜雖同解晚洲阻共入猶如征鳥飛差池不可及  
本願申羈旅何言異翔集君渡北江時詎今南浦泣  
情事能宛  
宛道出

夕望江橋示蕭諮議楊建康江主簿

夕鳥已西度殘霞亦半消  
風聲動密竹水影漾長橋  
旅人多憂思寒江復寂寥  
爾情深鞏洛予念返漁樵  
何因適歸願分路一揚鏹

水影句眼前  
景寫得生動

寄江州褚諮議

自與君別離四序紛迴薄  
分手清江上念別猶如昨  
追憶邊城遊奚尋平生樂  
俱登龍從嶺共坐透迤閣  
清吹或忘歸繁文時閒作  
連鏹戲淺草遊憶遵長薄  
五載同衣裳一朝異睽索  
夫君頗畱滯驂駟未沃若  
伊家從入關終是填溝壑  
早秋正悽愴餘暉晚銷鑠  
林葉下仍飛水花披未落  
如何隔千里無由舉三爵

因君奏采蓮爲余吟別鶴

述情  
條暢

入西塞示南府同僚

露清曉風冷天曙江晃

一作光

爽薄雲巖際出初月波

中上黯黯連嶂陰騷騷急洙響迴楂急礙浪羣飛爭

戲廣伊余本羈客重睽復心賞望鄉雖一路懷歸成

二想在昔愛名山自知權獨往情遊乃落魄得性隨

怡養年事以蹉跎生平任浩蕩方還讓奉路誰知羨

魚網

寫境曠遠言情亦復浩蕩薄雲二句佳杜少陵  
襲用稍加變化宿字較出字有作意孤月浪中

翻翻字亦活然  
與此自分古近

下直出溪邊望答虞丹徒敬

夫君美章句席文珍梁楚伊余忝攝官含毫亦禁阻  
直廬去咫尺心期得宴語休沐乃幽棲別離未幾許  
佇立日將暮相思忽無緒溪北映初星橋南望行炬  
九重不可越三爵何由舉

錄北二句望  
遠之景蒼然

### 贈諸遊舊

弱操不能植薄伎竟無依淺智終已矣令名安可希  
擾擾從役倦屑屑身事微少壯輕年月遲暮惜光輝  
一塗今未是萬緒昨如非新知雖已樂舊愛盡睽違  
望鄉空引領極目淚沾衣旅客長憔悴春物自芳菲  
岸花臨水發江燕遶檣飛無由下征帆獨與暮潮歸

未段悠揚語雖  
近自能動情

秋夕仰贈從兄寘南

堦蕙漸翻葉池蓮稍罷花高樹北風響空庭秋月華  
寸心懷是夜寂寂漏方賒撫弦乏歡娛臨觴獨歎嗟  
悽愴戶涼入徘徊欄影斜無爲淹戚里見就還田家  
起言景蕭森見就還田家意妙贈族人秣陵兄弟有  
齊兄敢爲俗蜀物豈隨身土牛終不進徬狗空重陳  
語並  
可存

贈江長史別

二紀歷茲辰投分敦遊處况事兼年德宴交無爾汝  
中歲多乖違由來難具敘及君相藩牧伊余客梁楚

出國乃參差會歸同處所以茲篤惠好何用忌羈旅  
重得申平生何年更睽阻籠禽恨跼促逸翮超容與  
餞道出郊垌把袂臨洲渚長飈落江樹秋月照沙渚  
遠送子應歸棹開帆欲舉離舟懽未極別至悲無語  
安得生羽毛從君入宛許

入情

### 送韋司馬別

送別臨曲渚征人慕前侶離言雖欲繁離思終無緒  
憫憫分手畢蕭蕭行帆舉舉帆越中流望別上高樓  
子起南枝怨子結北風愁邈邈山蔽日洶洶浪隱舟  
隱舟邈已遠徘徊落日晚歸衢並駕奔別館空筵卷

想子斂睂去知子銜淚返銜淚心依依薄暮行人稀  
曖曖入塘港蓬門已掩扉簾中看月影竹裏見螢飛  
螢飛飛不息獨愁空轉側北窓倒長簾南鄰夜聞織  
棄置勿復陳重陳長歎息

意緒相結流宕入情  
惜別之懷睠睠無已

南還道中送贈劉諮議別

一官從府役五稔去京華遽逐春流返歸帆得望家  
天末靜波浪日際斂烟霞岸薺生寒葉村梅落早花  
遊魚上急水獨鳥赴行楂目想平陵栢心憶青門瓜  
曲陌背通垣長墟抵狹斜善鄰談穀稼故老述桑麻  
寢興從間逸視聽絕喧譁夫君日高興爲樂坐驕奢

室墮傾城佩門交接臆車入塞長雲雨出國暫泥沙  
握手分岐路臨川何怨嗟

總能條暢  
暫有雋句

與崔錄事別兼敘攜手

去夏予回首言乃重行行今春遊派濫訪子猶武城  
暫別年愈半同歸月未盈復道中寒食彌留曠不平  
道術旣爲務懽悵苦未并及爾沈疴愈值茲秋序明  
石磧汾江靜沙流繞岸清川平看鳥遠水淺見魚驚  
逝將窮履歷方欲恣逢迎何言聚易散鄉棹爾孤征  
我本倦遊客心念似懸旌聞離常屑涕是別盡淒清  
況此忘懷地相愛猶弟兄脉脉畱南浦悠悠返上京



欲鑷星星鬢因君示友生

川平二句景活我本倦遊以下流逸多情是別盡淒

清句法頗爲少陵所愛

別沈助教

可憐玉匣劍復此飛鳬舄未覺愛生憎忽見雙成隻

一朝別笑語萬事成疇昔道遒若波瀾人生異金石

願君深自愛共念悲無益

一朝二句造感深至結語敦厚之思

與蘇九德別

宿昔夢顏色咫尺思言偃

疑作寔

何況杳來期各在天

一面踟躕暫舉酒倏忽不相見春草似青袍秋月如

團扇三五出重雲當知我憶君萋萋若被逕懷抱不

相聞

結六語錯互相承法甚新語更悽惋有古意

贈韋記室黯別

故人儻送別停車一水東  
去帆若不見試望白雲中  
促膝今何在銜杯誰復同  
水夜看初月江晚泝歸風  
無因生羽翰千里暫排空

三四飄忽

初發新林

伊昔負薪暇慕義遊梁楚  
短翮忘連翩追飛散容與  
優游沐道教漸漬淹寒暑  
大德本無酬輕生竊自許  
舟歸屬海運風積如鵬舉  
浮水暗舟艫合岸喧徒侶  
凜凜窮秋暮初寒入洲渚  
饒吹響清江懸旗出長嶼

危檣迴不進，杳浪高難拒。回首泣親賓，中天望宛許。  
帝城猶隱約，家園無處所。去矣方悠悠，含意將何語。  
末段情極悲

渡連圻

連圻連不極，極望在雲霞。絕壁無走獸，窮岸有盤楂。  
糾紛上龍蹏，穿豁下巖岈。魚遊若擁劍，猿挂似懸瓜。  
陰岸生駿蘚，伏水拂澄沙。客子行行倦，年光處處華。  
石蒲生促節，巖樹落高花。暮潮還入浦，夕鳥飛向家。  
寓目皆鄉思，何時見狹斜。  
境奇語健魚遊句大奇致對懸瓜字終是湊韻苦  
無以易之他好句甚多不忍割

下方山

寒鳥樹間響落星川際浮繁霜白曉岸苦霧黑晨流  
鱗鱗逆去水瀾瀾急還舟望鄉行復立瞻途近更脩  
誰能百里地縈繞千端愁

白黑二字作虛字用有作  
意歸途漸近未到之頃情

更脉脉  
能寫之

入東經諸暨縣下浙江作

疲身不自量溫腹無恒擬未能守封植何能固廉恥  
一經可人言三冬徒戲爾虛信蒼蒼色未究冥冥理  
得彼旣宜然失之良有以常言厭四壁自覺輕千里  
旦夕聊望遠山川空信美歸飛天際沒雲霧江邊起

安邑乏主人臨邛多客子鄉鄉自風俗處處皆城市  
所見無故人含意終何已

齊梁乃有此白描之詩  
一氣清泚都無俗染

還渡五洲

我行朔已晦泝水復沿流戎傷初不辨動默自相求  
睠言還九派迴艫出五洲蕭散煙霧晚淒清江漢秋  
沙汀暮寂寂蘆岸晚脩脩以此南浦夜重之北門愁  
方圓旣齟齬貧賤豈怨尤

清真具  
見高致

宿南洲浦

幽棲多暇豫從役知辛苦解纜及朝風落帆依暝浦  
違鄉已信次江月初三五沈沈夜看流淵淵朝聽鼓

霜洲度旅雁朔颺吹宿莽夜淚生淫淫是夕偏懷土  
起句作一轉想便有意  
下寫舟行之苦頗悉

學古贈丘永嘉征還

龍馬魚腸劍躡蹠起風塵結客蔥河返喧喧動四鄰  
入墟猶憶舊覓巷復疑新窺見應門出遙識下機人  
相悲淚欲下離別方自陳

寫情事能  
曲盡便佳

和蕭諮議岑離閨怨

曉河沒高棟斜月半空庭窓中度落葉廉外隔飛螢  
含悲下翠帳掩泣閉金屏昔期今未返春草寒復青  
思君無轉易何異北辰星

薄有  
古意

嘲劉郎

房櫳滅夜火，窓戶映朝光。  
妖女褰帷去，躑躅初下牀。  
崔釵橫曉鬢，蛾眉豔宿妝。  
稍聞玉釧遠，猶憐翠被香。  
寧知明朝客，差池已雁行。

用意亦是規諷，非直嘲。

詠照鏡

朱簾旦初捲，綺機晨未織。  
玉匣開鑑影，寶臺靜臨飾。  
對影獨含笑，看花時轉側。  
聊爲出繭眉，試染夭桃色。  
寶釵若可間，金鈿畏相逼。  
蕩子行未歸，啼妝坐沾臆。

對影二句寶釵二句並活笑，乃自喜與啼故不相妨。

學古

長安美少年羽騎暮連翩玉羈瑪瑙勒金絡珊瑚鞭  
陣雲橫塞起赤日下城圓追兵待都護烽火望祁連  
虎落夜方寢魚麗曉復前平生不可定空信蒼浪天

圓字最難下赤日句  
大漠曠望寒色荒荒

### 臨行公車

擾擾排曙扉鱗鱗驅早駕禁門儼猶閉嚴城方警夜  
道勝多增榮拙薄終難化以茲畎澮質重與滄溟舍  
纚舟去濁河揆景辭清灞平生多意緒懷抱皆徂謝  
念此將何如撫心獨悲咤

愁緒  
激昂

### 夜夢故人



客心驚夜魂言與故人同開簾覺水動映竹見牀空  
浦口望斜月洲外聞長風九秋時未晚千里路難窮  
已如臃腫木復似飄飄蓬相思不可寄直在寸心中

開簾以下四句夢回之景並覺曠邈而  
開簾句尤奇少陵屋梁落月不足矜美

從主移西州寓直齋內霖雨不晴懷郡中遊聚

寓直慙虎賁沈迷豈職事祈祈寒枝動濛濛秋雨駛  
不見眼中人空想山南寺雙桐傍欄上長楊夾門植  
夙昔構良遊接膝同懽志東西忽爲阻向隅懷獨思  
颯颯履聲喧擾擾羣分異臥聞復雷響坐視重局秘  
欲寄一行書何解三秋意

一室臥思心與簪  
履並競共寫如見

劉博士江丞朱從事同顧不值作詩云爾

故人篤久要新知從暮室崎嶇枉道過邂逅幽人出  
心期不會面懷之成首疾向夕敞山扉臨窻玩餘帙  
蜘蛛正網戶落花紛入膝浸淫水上風蔽虧霞中日  
良辰一攜手佳坐無儔匹劉侯務屬書江生勤下筆  
朱君博辭理去去追名實是顧一參差何能更蓬華  
吾人少拘礙得性便遊逸方欲俟褰裳相從懽道術

此首結構甚奇同顧不值僅用首四句直序已畢翻  
從客去主歸憑虛想像曲寫愛慕之情假設談讌之  
樂措語大奇○向夕以下言歸來對此佳景誠宜與  
好友盤桓故將眼前境地寫令幽勝稠疊多語婉婉  
入情因言如此良辰但同住坐其樂無匹更復歷頌  
三君使讀者儼若衣冠簪履雜沓在座然忽接是顧

二句則此會全虛杳不可得前段所寫覺同夢境如此曲曲入想方知此際不值懊悵倍深善結虛界用抒實懷末四句更訂前期語亦曠逸想其結撰之妙通不循人少陵心慕水曹當由此等處也

春暮喜晴酬袁戶曹苦雨

振衣喜初霽褰裳對晚晴落花猶未捲時鳥故餘聲春芳空悅目游客反傷情鄉園不可見江水獨自清

願得同攜手歸望對都城

景卽目前情深心曲

苦熱

昔聞草木焦今窺

一作

沙石爛臙臙風逾靜曠曠日

漸肝習靜闕

一作

衣巾讀書煩几案臥思清露浥坐

待高星燦蝙蝠戶中飛蟻蠓窓間亂實無河朔飲空

有臨淄汗遺金不自拾惡木寧無榦願以三伏晨催

促九秋換

切而能暢實無二句可稱大雅

七夕

仙車駐七襄鳳駕出天潢月映九微火風吹百和香

來懽暫巧笑還淚已沾裳

一作啼妝

依稀如洛汭倏忽似

高唐別離未得語河漢漸湯湯

詠女牛者多此爲合作

詠早梅

一云揚州法曹梅花盛開

兔園標物序驚時最是梅銜霜當路發映雪擬寒開

枝橫卻月觀花繞凌風臺朝灑長門泣夕駐臨邛杯

應知早飄落故逐上春來

清氣爽爽

行經孫氏陵

昔在零陵厭神器若無依逐兔爭先捷倚鹿競因機  
呼噏開伯道叱咤掩江畿豹變分奇略虎視肅戎威  
長蛇飭巴漢驥馬絕淮淝交戰無內禦重門豈外扉  
成功舉已棄凶德愎而違水龍忽東驚青蓋乃西歸  
竭來已一作易永久年代曖微微苔石疑文字荆墳失  
是非山鶯空曙響隴月自秋暉銀海終無浪金鳬會  
不飛間寂今如此望望沾人衣水龍二句典雅以下  
憑弔語並有風致前  
半稍嫌冗率凶德  
愎而違都不成語

塘邊見古塚

行路一孤墳路成墳欲毀空疑年代積不知陵谷徙

幾逢

一作經

秋葉黃驟見春流瀾金蠶不可織玉樹何

時蕊陌上驅馳人笑歌自侈靡今日非明日所念誰

憐此

造感切至幾逢四句蕭瑟入情

### 登禪岡寺望和虞記室

南望南郭門拱樹稍雲密北窻北溱

一作湊

道重樓霧

中出接葉隱高蟬交枝承落日光陰不可捨懷抱何

由悉

前半流逸後半蕭瑟

### 贈王左丞

僧孺

欄外鶯啼罷園裏日光斜遊魚亂水葉輕燕逐風花

長墟上寒靄曉樹沒歸霞九華暮已隱抱鬱徒交加  
三四並佳游魚句尤雋以水葉字新杜工部輕燕愛  
風斜雖別有思理亦應熟讀此句於會中不覺流出

敬酬王明府

星稀初可見月出未成光澄江照遠火夕霞隱連檣  
賤軀臨不測玉體畏垂堂念別已零淚况乃思故鄉  
前四句景色  
佳結意亦悲

野夕答孫郎擢

山中氣色滿墟上生煙露杳杳星出雲啾啾雀隱樹  
虛館無賓客幽居乏懽趣思君意不窮長如流水注  
三四暮色悵然便有懷  
人之想結寫相思意長

日夕出富陽浦口和朗公

客心愁日暮徙倚空望歸山煙涵樹色江水映霞暉

獨鶴凌空

一作風

逝雙鳬出浪飛故鄉千餘里茲夕寒

無衣

氣色蒼逸此等並應少陵所賞  
獨鶴雙鳬興意不覺往往效之

臨行與故遊夜別

文苑英華作從鎮  
江州與故遊別

歷稔共追隨一旦辭羣匹復如東注水未有西歸日

夜雨滴空堦曉燈暗離室相悲各罷酒何時同促膝

語淺淺能使  
深情畢盡

與胡興安夜別

居人行轉軼客子暫維舟念此一筵笑分作兩地愁



露濕寒塘草月映清淮流方抱新離恨獨守故園秋  
三四意盡五  
六景中有情

車中見新林分別甚盛

金谷賓遊盛青門冠蓋多隔林望行幃下阪聽鳴珂  
於時春未歇麥氣始清和還入平原逕窮巷可張羅  
隔林下阪語有層折非合  
掌後半直寫頗饒感歎

曉發

早霞麗初日清風消薄霧水底見行雲天邊看遠樹  
且望汾河劇暫有江山趣疾兔聊復起爽地豈能賦  
水底二句大佳寫景  
取出定經少陵百諷

慈姥磯

暮煙起遙岸斜日照安流一同心賞夕暫解去鄉憂  
野岸平沙合連山遠霧浮客悲不自已江上望歸舟  
五六一近一遠便是思鄉之情傷已不歸望他舟之歸用意佳語亦居然盛唐

見征人分別

淒淒日暮時親賓俱竚立征人拔劍起兒女牽衣泣  
候騎出蕭關追兵赴馬邑且當橫行去誰論裹屍入  
作此分離所謂生人爲死別不堪代之回想

同虞記室登樓望遠歸

登樓欲望遠遙遙見白衣白衣猶遠遠言是稍知非

對窻看寶瑟入戶弄鳴機無令日光晚閉閣掩重扉

演盤中詩句不嫌其絮後半亦雅

### 與虞記室諸人詠扇

如圭信非玷學月但爲輪機杼靡蕪妾裁縫篋笥人  
搖風入素手占曲掩朱脣羅袖幸拂拭微芳聊可因

三句典雅詠扇及歌曲者多未有如此句掩字之當

### 望新月示同羈

初宿長淮上破鏡出雲明今夕千餘里雙蛾映水生  
的的與沙靜澹澹逐波輕望鄉皆下淚非我獨傷情

雙蛾不若作纖蛾的的二句確是新月與滿月不同古人體物之妙如此

行經范僕射故宅

旅葵應蔓井荒藤已上扉寂寂至郊暮無復車馬歸  
潏潏故池水蒼茫落日暉遺愛終何極

一作聞寂  
今如此

行

路獨沾衣

語語  
抱哀

送褚都曹聯句

君隨結客去我乃倦遊歸本願同棲息今成相背飛

送司馬入五城聯句

隨風飄岸葉行雨暗江流居人會應返空欲送行舟

上二句已傾別淚末  
二句直當喚奈何

邊城思

古詩選

樂五

美

柳黃未吐葉水綠半含苔春色邊城動客思故鄉來

思來亦遠

爲人妾思

機中刺繡所窻下朝妝處未憶神已傷欲忘悲不去

情特深

爲人妾怨

燕戲還簷際花飛落枕前寸心君不見拭淚坐調絃

閨怨二首

竹葉響南窻月光照東壁誰知夜獨覺枕前雙淚滴

誰知夜獨覺口頭語但覺沉至夜獨覺誠有誰知也○竹葉二句便是獨覺時獨見之景

其二

閨閣行人斷房櫳月影斜誰能北窻下獨對後園花

集作誰知北窻下猶對後庭花

苑中

苑門闢千扇苑戶開萬扉樓殿聞珠履竹樹隔羅衣

不言怨而怨可知

苑中見美人

羅袖風中捲玉釵林下耀團扇承落花復持掩餘笑

相送

客心已百念孤遊重千里江暗雨欲來浪白風初起

此景何堪  
山雨欲來風滿樓不似  
此二句生動中復有高渾之氣

臨別聯句

臨別情多緒送歸涕如霰君望長安城予悲獨不見

照水聯句

插花行理鬢遷延去復歸雖憐水上影復恐濕羅衣

有致

相送聯句

高軒雖駐軫餘日久無暉以我辭鄉淚沾君送別衣

大是名句

蕭子範

字景明齊高帝之孫豫章王嶷之子永明中封岐陽侯拜太子洗馬梁天監初位司

徙主簿累遷南平王從事中郎復爲臨  
賀王長史簡文卽位召爲光祿大夫

### 東亭極望

晚流稍東急暝景促西暉  
水鳥銜魚上蓮舟拂菱歸  
郊原共超遠林野雜依非  
從君採蘿葛寧復想輕肥

三四景  
閒曠

### 望秋月

河漢東西陰清光此夜出入帳  
華珠被斜筵照寶瑟  
霜慘庭上蘭風鳴簷下橘獨見傷心者  
孤燈坐幽室

三四寫  
月有姿

蕭子顯

字景暢子範弟七歲封寧都縣侯梁天監  
初遷邵陵王友除黃門郎兼侍中國子祭



酒武帝愛其才以爲吏  
部尚書爲吳興太守

春閨思

金羈遊俠子綺機離思妾春度人不歸望花盡成葉  
情不能堪

春別二首

翻鶯度燕雙比翼楊柳千條共一色但看陌上攜手  
歸誰能對此空相憶

其二

幽宮積草自芳菲黃鳥著樹情相依爭風競日常聞  
響重花疊葉不通飛當知此時動妾思慙使羅袂拂

君衣

此一首外編作蕭子雲○作拙有致

蕭子雲

字景喬子顯弟齊建武四年封新蒲縣侯梁天監初遷丹陽郡丞大通三年復遷臨

川內史遷除散騎常侍歷侍中國子祭酒出爲東陽太守性沈靜不樂仕進侯景亂奔晉陵卒

東郊望春訓王建安雋晚遊

金塘綠泉滿上園梨蕊落峽蝶戀殘花黃鶯對餘萼

芳菲滿郊甸惠風生蘭薄子家冠蓋里我館幽棲郭

綠楊垂長溪便橋限清洛相去能幾許一水終疎索

境地幽勝

落日郡西齋望海山

漁舟暮出浦漢女採蓮歸夕雲向山合

一作浦斂水鳥望

田飛蟬鳴早秋至蕙草無芳菲故隱天山北夢想日  
依依

寒夜直坊憶袁三公

滴滴雨鳴階悄悄茲夜靜風落宣猷樹寒凋承光屏  
高帷曉獨垂華燭夜空冷一作周所思不相見方知寒

漏永

蕭鈞

齊高帝子出繼衡陽王性好學善屬文與王智深以文章相賞會濟陽江淹亦蒞焉

晚景遊泛懷友

龍門依御溝鳳轄轉芳洲雲峯初辨夏麥氣早迎秋  
山翠餘煙積川平晚照收浪隨文鷁轉渡逐彩鷺浮

風花轉未落巖泉咽不流一辭金谷苑空想一作竹

林遊

風花二句景秀詩紀以此詩類唐人應是蕭瑀之子鈞作非也無論此二語均非唐人但句中

轉字非六朝人不解用

采菽堂古詩選卷之二十七目次

梁六

王籍

入若耶溪

王暕

詠舞

王筠

有所思

雜曲

行路難

侍宴餞臨川王北伐應詔

北寺寅上人房望遠岫翫前池

和衛尉新渝侯巡城口號

寓直中庶坊贈蕭洗馬

春日

遊望

劉孝綽

銅雀妓

三婦豔

三日侍華光殿曲水宴

三日侍成安王曲水宴

春日從駕新亭應制

侍宴集賢堂應令

侍宴離亭應令

陪徐僕射晚宴

上虞鄉亭觀濤津渚學潘安仁河陽縣詩

夕逗繁昌浦  
發建興渚示到陸二黃門

酬陸長史倕  
答何記室

答張左西  
歸沐呈任中丞昉

淇上戲蕩子婦  
古意

賦得照基燭詩刻五分成

賦得遺所思  
林下映月

詠素蝶  
月半夜泊鵲尾

和詠歌人偏得日照詩

詠姬人未肯出  
遙見美人採荷

劉孝儀

行過康王故第苑  
舞就行

劉孝威

行行且遊獵篇  
獨不見

行幸甘泉宮歌  
蜀道難

奉和六月壬午應令

登覆舟山望湖北  
郗縣遇見人織率爾寄婦

侍宴賦得龍沙宵明月

行還值雨又爲清道所駐

望雨

苦暑



望樓烏

賦得曲澗

春宵

冬曉

和定襄侯初筵

劉孝先

春宵

劉苞

九日侍宴樂遊苑正陽堂詩

劉孺

相逢狹路間

劉遵

度關山

繁華應令

從頓還城應令

應令詠舞

劉邈

萬山見採桑人

見人織聊爲之詠

秋閨

陶弘景

寒夜怨

詔問山中何所有賦詩以答

題所居壁

華陽頌

曹景宗

光華殿侍宴賦競病韻

宗夫

荊州樂三首

周捨

還田舍

徐勉

迎客曲

送客曲

徐憐

古意酬到長史漑登琅瑯城

徐摛

賦得簾塵

徐君蒨

初春攜內人行戲  
別義陽郡

孔燾

往虎窟山寺  
自江州還入石頭詩

始居山營室

劉緩

江南可採蓮  
和晚日登樓

冬宵  
寒閨

劉瑗

左右新婚

在縣中庭看月

劉顯

發新林浦贈同省

陸倕

和昭明太子鍾山解講

以詩代書別後寄贈

荀濟

贈陰梁州

江從簡

採蓮諷

古詩選

卷之二十七目

梁六

五

采菽堂古詩選

卷之二十七

虎林陳祚明胤倩父評選

梁六

王籍

字文海琅琊臨沂人天監中除安成王主簿歷餘姚錢塘令竝以放免除湘東王參軍隨

府會稽郡還

爲中散大夫

入若耶溪

籍除輕車湘東主諮議參軍隨府會稽郡境有雲門天柱山籍常遊之或

累月不返至若耶溪賦詩云蟬噪林逾靜鳥鳴山更幽當時以爲文外獨絕

鯨鯢何汎汎空水共悠悠陰霞生遠岫陽景逐廻流

蟬噪林逾靜鳥鳴山更幽此地動歸念長年悲倦遊

固自佳句出句稍拙然自古對句工然調稍卑亦嫌合掌○王元美曰鳥鳴山更幽雖遜古質亦是僞語

第合上句讀之遂不成章耳又有可笑者鳥鳴山更幽本是反不鳴山幽之意王介甫何緣取其本意而反之且一鳥不鳴山更幽有何意趣祚說詩中曰鳥鳴則有聲矣顧不聞萬籟唯有鳥聲山之深靜緣斯愈見故曰更若一鳥不鳴幽可知矣更字之義又復何歸

王暕

字思晦瑯琊人儉子齊明帝時除驃騎從事中郎天監中歷吏部尚書領國子祭酒

詠舞

從風廻綺袖映日轉花鈿同情依促柱共影赴危絃

寫舞甚活末句不寫形寫影更佳○陳子訓度關山篇有遼水深難渡榆關斷未通胡風朝夜起平沙不相識獨不見有不橋通小澗竹路上青霄句並佳

王筠

字元禮一字德柔瑯琊人僧虔之孫樛之子幼清靜好學與從兄泰齊名歷仕尚書殿中

郎累遷太子洗馬中書舍人與殷鈞並以方雅為昭明太子所禮○元禮自是雅流但少風韻

○謝朓常謂筠詩圓好流轉如彈丸石林詩話云吾愛湯休稱謝靈運初日芙蓉沈約稱王筠彈丸脫手兩語最當人意初日芙蓉非人力所能爲精彩華妙之意自然見於造化之外靈運諸詩可當此者亦無幾彈丸脫手雖是輪寫便利動無畱礙然爲精圓快速發之在手筠亦未能然也

### 有所思

丹墀生細草紫殿納輕陰  
曖曖巫山遠悠悠湘水深  
徒歌鹿盧劍空貽玳瑁簪  
望君終不見屑淚且長作

微吟

納字  
渾

### 雜曲

可憐洛城東芳樹搖春風  
丹霞映白日細雨帶輕虹



行路難

千門皆閉夜何央百憂俱集斷人腸  
探揣箱中取刀尺拂拭機上斷流黃  
情人逐情雖可恨復畏邊遠乏衣裳  
已練一蘭催衣縷復擣百和薰衣香  
猶憶去時腰大小不知今日身短長  
襦褌雙心共一袂袖複兩邊作八襞  
襪帶雖安不忍縫開孔裁穿猶未達  
胷前却月兩相連本照君心不照天  
願君分明得此意勿復流蕩不如先  
含悲含怨判不死封情忍思待明年

詩本率近情人逐情句勿復流蕩句封情忍思句俱不成語以襦褌四語細述裁縫規法頗饒古致不忍捨之

侍宴餞臨川王北伐應詔

金版韜英玉牒蘊精帝德乃武王威有征軒習弧矢  
夏陳干戚周驚戎車漢馳羽檄我皇俊聖千年踵武  
德洞十一作千門威加八柱金正圯德水行失道胡馬  
南牧戎徒西保薦食伊瀍整居豐鎬金關一作閤揚塵  
銅臺茂草命彼膳夫爰詔協律樂賦出車絃操吉日  
玉饌駢羅瓊漿泛溢聖德溫溫賓儀秩秩端雅

北寺寅上人房望遠岫翫前池

安期逐長往交甫稱高讓遠跡入滄溟輕舉馳昆閬  
良由心獨善兼且情由放豈若尋幽棲卽目窮清曠

激水周堂下屯雲塞檐向閉牖聽奔濤開窻延疊嶂  
前階復虛汭瀾迤成洲漲雨點散圓文風生起斜浪  
游鱗互瀉潏羣飛皆哢吭蓮葉蔓田田菱花動搖漾  
浮光曜庭廡流芳襲帷帳匡坐足忘懷詎思江海上

景色  
清切

和衛尉新渝侯巡城口號

閶闔曉已昏鈎陳杳將暮棲烏城上返一作晚崔林

中度屯衛時巡警凝威肆安步閤道趨文昌禁兵連  
武庫銅烏迎早風金掌承朝露累恩分曉色睥睨生  
秋霧維城任寄隆空想靈均賦伊余方病免丘園保

恬素

穩令

寓直中庶坊贈蕭洗馬

龍棲竇九重薄寒殊復早玉堦泣清露銅池結秋潦  
霜被守宮槐風驚護門草之子擅文華縱橫富辭藻  
野錦慙光麗握珠謝奇寶愧予非工文何用披懷抱

物類志曰護門草出常山取置戶下或有過其門者草必叱之一名百靈草對守宮槐甚工

春日

菴菴心未發靡蕪葉欲齊春蠶方曳緒新燕正銜泥  
野雉呼雌雉庭禽挾子棲從君客梁後方晝掩春閨

山川隔道里芳草徒萋萋

時景雅切野雉二語活

遊望

落日照紅妝挾瑟當窗牖寧復歌薜蘿唯聞歎楊柳  
 結好在同心離別由衆口徒設露葵羹誰酌蘭英酒  
 會日杳無期薜蘿安得久

語外有韻

劉孝綽

字孝綽本名冉彭城人梁天監初起家為著佐郎遷祕書丞甚為武帝及昭明所

禮累遷尚書吏部郎坐事左遷臨賀王長史卒  
 孝綽雖負才陵忽前後五免然辭藻為後進所  
 宗○孝綽詩秀雅優閒體工才稱如匠石經營  
 固巖築基傷壑疏沼修廊高館迴台林薈自成  
 南勝○孝綽常為詩曰塞外羣鳥返雲中倡雁  
 歸高祖見大怒即奪侍郎又為詩二首其一曰  
 鳴騶響夾轂飛蓋倚林廬其二曰城閣山林遠  
 一去不相聞高祖嗟賞復侍郎沈約曰卿以詩  
 失黃門復以詩得黃門孝綽曰此  
 即既為風所開復為風所落也

銅雀妓

雀臺三五日  
弦吹似佳期  
况復西陵晚  
松風吹總帷  
危絃斷復續  
妾心傷此時  
誰言畱客袂  
還一作掩望

陵悲

結意雋

三婦豔

大婦縫羅裙  
中婦料繡文  
唯餘最小婦  
窈窕舞昭君  
丈人慎勿去  
聽我駐浮雲

三婦豔惟此篇稍有致

三日侍華光殿曲水宴

薰被三陽暮  
春濯禊元巳  
初皇心睠樂  
飲帳殿臨春渠  
豫遊高夏諺  
凱樂盛周居  
復以焚林日  
丰茸花樹舒

羽觴環堵轉清瀾  
傍席疏妍歌以嘑  
亮妙舞復紆餘  
九成變絲竹百戲起龍魚

安雅舒徐

三日侍成安王曲水宴

匯澤良孔殷分區  
屏中縣躡跨兼流采  
襟喉邇封何  
吾王奄鄴畢析珪  
承羽傳不資魯俗移  
何待齊風變  
東山富遊士北土無  
遺彥一言白璧輕  
片善黃金賤  
餘辰屬上元

一作元

已清祓追前諺持此陽瀨遊復展城

隅宴芳洲亘千里遠近風光扇方歡厚德重誰言薄

遊倦

尋常序述語誦之悠然若有餘韻

春日從駕新亭應制

旭日輿輪動言追河曲遊紆餘出紫陌迤邐度青樓  
前驅掩蘭徑後乘歷芳洲春色江中滿日華巖上留  
江風傳葆吹歲華映采旂臨渦起睂作馴馬暫停輈  
侍從榮前阮雍容惡昔劉空然等彈翰非徒嗟未遒  
侍宴集賢堂應令

北閤時旣啓西園又已闢宮屬引鴻鷺朝行命金碧  
伊臣獨何取隆恩徒自昔布武登玉墀委坐陪瑤席  
綢繆參宴笑淹畱奉觴醪壺人告漏晚煙霞起將夕  
反景入池林餘光映泉石

結四句暮  
景蒼然

侍宴離亭應令



輟轅東北望江漢西南永羽旗映日移饒吹臨風警  
令王愍追送纚舟宴俄頃掩袂眺征雲銜杯惜餘景  
首燕徒有心局步何由騁

陪徐僕射晚宴

夫君追宴喜十日邇來過築室華池上開軒臨芰荷  
方塘交密篠對雷接繁柯景移林改色風去水餘波  
洛城雖半掩愛客待驪歌

秀逸之調景  
移二句活

上虞鄉亭觀濤津渚學潘安仁河陽縣詩

昔余筮賓始衣冠仕洛陽無貴徒有任一命忝爲郎  
再踐神仙側三入崇賢旁東朝禮髦俊虛薄厠才良

遊談侍明理，榻管創文章。  
引籍陪下膳，橫經叅上庠。  
誰謂服事淺，契闊變炎涼。  
一朝謬爲吏，結綬去承光。  
烹鮮徒可習，治民終未長。  
化雞仰季智，馴雉推仲康。  
魯恭字此城鄰夏穴，櫛蠹茂筠篁。  
孝碑黃絹語，神濤白鷺翔。  
遨遊佳可望，釋事上川梁。  
秋江凍雨絕，反景照移塘。  
纖羅殊未動，駭水忽如湯。  
乍出連山合，時如高蓋張。  
漂沙黃沫聚，碧石素波揚。  
榜人不敢唱，舟子詎能航。  
離家復臨水，眷然思故鄉。  
中來不可絕，奕奕苦人腸。  
潄酒若無阻，謝病反清漳。

條咆

夕逗繁昌浦

日夕江風靜安波似未流岸迴知舳轉解纜覺船浮

暮煙生遠渚夕鳥赴前洲隔山聞戍鼓傍浦喧棹謳

疑是辰陽宿於此逗孤舟

舟行風景宛然安波似未流故好句

發建興渚示到陸二黃門

扁舟去平樂還顧極川梁猶聞棗下吹尚識杏間堂

洛橋分曲渚官寺隱迴塘客行裁跬步卽事已多傷

况復千餘里悲心未遽央

寫情能出

酬陸長史倕

王粲始一別猶且歎風雲况余屢之遠與子亟離羣

如何持此念復爲今日分分悲宛

一作悵

如昨茲望殊

揮霍行舟雖不見行程猶可度度君路應遠期寄新

詩返相望且相思勞朝復勞晚薄暮關人進果得承

芳信殷勤覽妙書畱連披雅韻列洲

一作州

財賦總慈

山行旅鎮已切臨睨情遽動思歸引歸歟不可卽前

途方未極覽諷欲諉誚研尋還慨息來喻勗雕金比

質非所任虛薄無時用徘徊守故林屏居青門外結

宇灞城陰竹庭已南映池牖復東臨喬柯貫簷上垂

條拂戶陰條開風暫入葉合影還沈帷屏溽早露階

雷擾昏禽衡門謝車馬賓席簡衣簪雖愧陽陵

一作春

曲寧無流水琴蕭條聊屬和寂寞少知音平生竟何

託懷抱共君深一朝四美廢方見百憂侵曰余濫官

守因之泝廬久

一作九

水接淺原陰山帶荆門右從容

少職事疲病疎僚友命駕獨尋幽淹畱宿廬阜廬阜  
擅高名嵒嵒凌太清舒雲類紫府標霞同赤城北上  
輪難進東封馬易驚未若茲山險車騎息逢迎山橫  
路似絕徑側樹如傾蒙籠乍一啓礫碗無暫平倚巖  
忽廻望援蘿遂上征乍觀秦帝石復憩周王城交峯  
隱玉霤對澗距金楹風傳鳳臺琯雲渡洛濱笙紫書  
時不至丹爐且未成無因追羽翮及爾宴蓬瀛蓬瀛  
不可託悵然反城郭時過馬鳴院偶憩鹿園閑旣異

人世勞聊比化城樂影塔圖花樹經臺總香藥月殿

曜朱旛風輪和寶鐸園榦

一作垣

卽重嶺階基仍巨壑

朝後

一作溪

響薨棟夜水聲帷薄餘景驚登臨方宵盡

談謔談謔有名僧慧義似傳燈遠師教逾闡生公道

復弘小乘非汲引法善招報能積迷頓已悟爲懽得

未曾爲懽誠已往坐臥猶懷想况復心所積

一作親

茲

地多諧賞惜哉無輕軸更泛輪湖上可思不可見離

念空盈蕩賈生傳南國平子相東阿優游匡贊罷縱

橫辭賦多才幸同貫無令絕詠歌幽谷雖云阻煩

君計吏過

古人長篇最少至梁人往往有廿餘韻者此作尤冗然亦是轉韻體可合可分中間

章法條文句亦時見雋致但如此長篇須有跌宕波瀾處此則盡是平調無神氣耳

答何記室

遊子倦飄蓬瞻途杳未窮晨征凌逆水暮宿犯顛風  
出洲分去燕向浦逐歸鴻蘭芽隱陳葉荻苗抽故叢  
忽憶園間柳猶傷江際楓吾生棄武騎高視獨辭雄  
旣殫孝王產兼傾卓氏僮罷籍睢陽固陪謁建章宮  
紛余似鑿枘方圓殊未工黑貂久自弊黃金屢已空  
去辭追楚穆還耕偶漢馮巧拙良爲異出處嗟莫同  
若一作君厭蘭臺右見訪瀟陵東雅切

答張左西

相思如三月相望非兩宮持此連枝樹暫作背飛鴻  
若人惠思我摘藻蔚雕蟲仙掌方晞露靈鳥正轉風  
方假排虛翮相與北山叢

歸沐呈任中丞昉

步出金華省還望承明廬壯哉宛洛地佳麗實皇居  
虹蜺拖飛閣蘭芷覆清渠圓淵倒荷芰方鏡寫簪裾  
白雲夏峯盡青槐秋葉疎自我從人爵蟾兔屢盈虛  
殺青徒已汗司舉未云書文昌愧通籍臨邛幸第如  
夫君多敬愛蟠木濫吹噓時時釋簿領騶駕入吾廬  
自唾誠礪硃無以儷璠璣但願長閒暇酌醴薦焚魚



贈答詩  
並雅稱

淇上戲蕩子婦

桑中始奕奕淇上未湯湯美人要雜佩上客誘明璫  
日暗人聲靜微步出蘭房露葵不待勸鳴琴無暇張  
翠釵挂已落羅衣拂更香如何嫁蕩子春夜守空牀  
不見青絲騎徒勞紅粉妝

有秀致

古意

燕趙多佳麗白日照紅妝蕩子十年別羅衣雙帶長  
春樓怨難守玉階空自傷復

一作對

此歸飛燕銜泥繞

曲房差池入綺

幕上下傷雕梁故居猶可念故

人安可忘相思昏望絕宿昔夢容光魂交忽在御轉  
側定他鄉徒然顧枕席誰與同衣裳空使蘭膏夜炯  
炯對繁霜

用意遠符古人  
故居二句可諷

賦得照基燭詩刻五分成

南皮弦吹罷終奕且畱賓日下房櫳闇

玉臺作閑

華燭命

佳人側光全照局迴花半隱身不辭纖手倦羞令夜

向晨

側光二句儻

賦得遺所思

遺簪雕玳瑁贈綺織鴛鴦未若華滋樹交枝蕩子房  
別前秋已落別後春更芳所思不可寄唯憐盈袖香

交枝句  
饒生致

林下映月

明明三五月垂影當高樹攢柯半玉蟾  
裊葉彰金兔  
茲林有夜坐嘯歌無與晤側光聊可書  
含毫且成賦  
結句略有致

詠素蝶

隨蜂遶綠蕙避雀隱青薇映日忽爭起  
因風乍共歸  
出沒花中見參差葉際飛芳華幸勿謝  
嘉樹欲相依

嫌五六  
稍平

月半夜泊鵲尾

客行三五夜息棹隱中洲月光隨浪動山影逐波流

景亦活但不能煉語令警耳

### 和詠歌人偏得日照詩

獨明花裏翠偏光粉上津屢將歌罷扇迴拂影中塵

寫光有態

### 詠姬人未肯出

帷開見釵影簾動聞釧聲徘徊定不出常羞華燭明

### 遙見美人採荷

菱莖時繞釧棹水或沾妝不辭紅袖濕唯憐綠葉香

劉孝儀

字子儀本名潛字孝儀孝綽之弟舉秀才累遷尚書殿中郎補太子洗馬陽羨令甚

有稱績累官御史中丞出爲臨海太守遷鄒官  
尚書復爲豫州內史侯景逼建業孝儀遣子勵  
率兵入援及宮  
城不守失郡卒

### 行過康王故第苑

入梁逢故苑度薛見餘宮尚識招賢閣猶懷愛士風  
靈光一超遠衡館亦蒙籠洞門餘舊色甘棠畱故聚  
送禽悲不去過客慕難窮池竹徒如在林堂曉已空  
遠橋隔樹出迴澗隱岸通芳流小山桂塵起大王風  
具物咸如此是地感余衷空想陵前劍徒悲壘上童

一作桐  
○  
情景句稱

### 舞就行

依歌移弱步，傍竹豔新妝。徐來翻應節，亂去反成行。

六朝詠舞詩往往佳

劉孝威

字孝威，孝儀之弟。氣調爽逸，初爲晉安王法曹、太清中遷太子中庶子、通事舍人、侯

景亂。孝威於園中得出西上至安陸卒。○孝威筆致雋逸，無句不凋。凋在生姿，不關使典如妖

姬弄態，安置矜目，亦令百媚。

### 行行且遊獵篇

之罘講射所，上林娛獵塲。選徒驕楚客，召狩誇胡王。  
罕車已戒道，風鳥復起行。攸飛具殫繳，材官命蹶張。  
高置掩月兔，勁矢射天狼。蹠地不遑逸，排虛豈及翔。  
日暮勾陳轉，風清饒吹颺。歸來宴平樂，寧肯滯禽荒。

孝威樂府皆平縛之音此章稍有作意

獨不見

夫婿結纓簪偏蒙漢寵深中人引臥內副車遊上林  
綬染瑯琊草蟬鑄武威金分家移甲第畱妾住河陰  
獨寢鴛鴦被自理鳳凰琴誰憐雙玉筯流面復流襟  
填綴是共常裁  
序述校能清楚

行幸甘泉宮歌

漢家迎夏畢避暑甘泉宮棧

一作機

車鳴里鼓駟馬駕

相風校尉烏桓騎待制樓煩弓後旌猶五柞前笳度  
九嶷才人豹尾內御酒屬車中輦廻百子閣扇動七

輪風鳴鍾休衛士披圖召後宮材官促校獵涼秋一作

秋戲射熊淹富是齊  
來梁正格

### 蜀道難

玉壘高無極銅梁不可攀雙流逆巘道九坂澁陽關  
鄧侯策馬度王生斂轡還斂轡懼身尤叱馭奉王猷  
若恹千金重誰爲萬里侯戲馬吞珠界揚舲濯錦流  
沈犀厭怪水握鏡表靈丘禺山金碧有光輝遷亭車  
馬尚輕肥彌想王褒擁節友更憶相如乘傳歸君平  
子雲閒不嗣江漢英靈信已稀

典事奔湊然  
故是庸筆

奉和六月壬午應令



玄圃棲金碧靈澗挹琨瑤築山圖碣岫穿池控海潮  
雷奔石鯨動水闊牽牛遙乘龍猶怯渡鞭石詎成橋  
岸崩下生窟壁峭上千霄噪蛙常獨沸游魚或自跳  
荒徑橫臨浦空舟斜插撓愁鴟集古樹白鷺隱青苗  
神心重丘壑散步懷魚樵石累元卿徑枝挂許由瓢  
伊臣本寂寞由來畏市朝爲貪止山水所競惟逍遙  
寄言周伯况勞君擅縠綃

典雅文情斐蔚玩其雋句並足耽味

登覆舟山望湖北

紫川通太液丹岑連少華堂皇更隱映松灌雜交加  
荇蒲浮新葉漁舟繞落花浴童爭淺岸漂女擇平沙

極望傷春日迴車歸狹斜

浴童漂女眼前景甚趣

邠縣遇見人織率爾寄婦

邠一作邠

妖姬含怨情纖素起秋聲度梭環玉動踏躡珮珠鳴  
經稀疑杼澀緯斷恨絲輕葡萄始欲罷鴛鴦猶未成  
雲棟共徘徊紗窓相向開窓疎睂語度紗輕眼笑來  
籠籠隔淺紗的的見妝華鏤玉同心藕

一作帶

雜寶連

枝花紅衫向後結金簪臨鬢斜機頂挂流蘇機傍垂  
結珠青絲引伏兔黃金繞轆轤豔彩裙邊出芳脂口  
上淪百城交問遺五馬共踟躕直爲閨中人守故不  
要新夢啼漬花枕覺淚濕羅巾獨眠真自難重衾猶

覺寒逾憶凝脂緩。彌想橫陳歡行驅。金絡騎歸就城  
南端城南。稍有期想子亦勞思。羅衣久應罷。花釵堪  
更治。新妝莫點黛。余還自畫眉。麗藻柔音六朝長技  
具盡紅衫向後結直  
率句也偏  
佳以其肖

侍宴賦得龍沙宵明月

鵲飛空繞樹。月輪殊未圓。嫦娥望不出。桂枝稍隱殘。  
落照移樓影。浮光動壑瀾。櫪馬悲笳吹。城烏啼塞寒。  
傳聞機杼妾。愁余衣服單。當秋絡已脆。銜啼織復難。  
斂衽雖不樂。舞劍強爲歡。請謝函關吏。行當封一丸。

情境  
淒切

行還值雨又爲清道所駐

齊楚磐石貴韓吳異姓王俱乘早朝罷相隨出建章

喧呼驚里閭叫咷駭康莊阜駟同隼擊青橐用以似盛印

鷹揚掖門南北遠複道東西長旛旗爭絡繹官騎鬱

相望微風生檠傳輕雨潤帷裳油衣分競道小蓋列

成行八舍便繁密五管輿服光迴車避司隸俄軒揖

內郎况余白屋士自依一作休卑路傷日月雖臨照仄

陋難明敷早榮羞日及晚知慙豫章徒抱凌雲志終

愧摩天翔安能久淪辱圖南會有方先寫清道中入雨又寫雨後推

避事實節次既安詳語亦雅亦肖但自敘以後不能  
聯帶前事以是爲拙爲清道所駐固難述獨不可將

雨中行遲意點染一二語乎若工者必寫為清道所  
駐必寫雨中為清道所駐○歲為續後段曰况余白  
屋士自休卑路傍柴車聊側坐寒衞詎爭驥欲近丞  
疑怒將摩轂不彊皂帽遮仍漬青泥滑漸妨若濡稍  
惜袂從霑屢停韁雲霄  
無羽翼涖蹄徒惻傷

望雨

清陰蕩暄濁飛雨入階廊  
瞻空亂無緒望霽耿成行  
交枝含曉潤雜葉帶新光  
浮芥離還聚沿漚滅復張  
浴禽飄落毳風荇散餘香  
璫綃挂繡幕象簞列華牀  
侍童拂羽扇廚人奉盥漿  
內則有漿有盥注盥涼也  
寄言楚臺客  
雄風詎獨涼  
瞻空二句寫雨近而極活張字拙拙故  
肖結小有致○觀瞻空浮芥四句乃知  
不必異眼前極尋常  
者寫令生動便極佳

苦暑

暮日苦炎溽，遷坐接階廊。月朧姮娥影，星含織女光。  
棲禽動夜竹，流螢出閣牆。香盤糝鮮粉，雕壺承玉漿。  
白羽徒垂握，綠水自周堂。弱紈猶覺重，織絺尚少涼。  
弄風思漢朔，戲雨憶吳王。玄冰術難驗，赤道漏猶長。  
誰能更吹律，還令黍谷涼。

極寫句句是涼然於暑不解樓禽句動字佳流螢句

閣字佳結  
翻新作致

望樓烏

夕烏

一作鳥

飛參差，單雄雜寡雌。聯翩歸葉裏，出沒噪

林垂。爭棲時易樹，驚飛忽度枝。雖無繫書重，亦有含

纓疲以茲憔悴力重逢輕薄兒珠丸蘇合彈金繳青  
絲縻豈意翩翾羽遂免更羸危入懷欣得地依林竊  
願知

此是自拔圓城之後仰冀甄錄北意甚切末句婉曲動人

賦得曲澗

澗流急易轉溪竹暗難開近樓俄已失前洲忽復迴  
石岸生寒蘚沈根漬水苔菱舟失道去歸鳧迷徑來

曲寫  
曲字

春宵

花開人不歸節暖衣須變迴釵挂反環拭淚繩春線  
今夜月輪圓胡兵必應戰

冬曉

妾家邊洛城慣識曉鐘聲鐘聲猶未盡漢使報應行

天寒硯冰凍心悲書不成

小篇纖纖體情能細○春宵冬曉乃和湘東王者惟

此二篇俱可誦

和定襄侯初笄

合鬟仍昔髮略鬢卽前絲從今一梳罷無復更榮時

孝感五絕並有作意而嫌多淺率此首稍可寄韻

劉孝先

孝威之弟仕爲武陵王紀記室承聖中與兄孝勝俱隨紀軍出峽紀敗元帝以爲黃

門郎遷侍中

春宵



夜樓明月弦露下百花鮮情多意不設啼罷未歸眠

燉煌定若遠一信動經年

結語入情三句少味

劉苞

字孝嘗彭城人起家參軍累遷太子洗馬掌書記自武帝卽位引進文學之士苞及從兄

孝綽從弟孺並以文藻見知

### 九日侍宴樂遊苑正陽堂詩

六郡良家子幽并遊俠兒立乘爭飲羽側騎競紛馳  
鳴珂飾華眊金鞍映玉羈膳羞殫海陸和齊眊秋宜  
雲飛雅琴奏風起洞簫吹曲終高宴罷景落樹陰移  
微薄承嘉惠飲德良不貲取効績無紀感恩心自知  
○和齊眊秋宜如此句方謂之典雅  
○望夕雨有竟水散圓文句亦佳

劉孺

字孝雅彭城人沈約引為主簿恒爲遊宴賦詩甚爲梁武所親愛累遷吏部尚書母憂以

毀卒諡

曰孝

相逢狹路間

送君追遐路路狹暖朝霧三危上蔽日九折杳連雲

枝交憶不見聽靜吹纔聞豈伊歎道遠親愛切離羣

枝交二句佳結本

四句意省爲節之

劉遵

字孝陵孺之弟也爲晉安王宣德雲麾二府記室甚見賓禮王入爲皇太子除中庶子卒

度關山

隴樹寒色落塞雲朝欲開谷深聲易響路挾憶難回

當知結綬去非是棄繻來行人思顧返道別且徘徊

願度關山鶴勞歌立可哀

谷深二句  
亮似唐律

繁華應令

可憐周小童微笑摘蘭漿鮮膚勝粉白  
暝臉若桃紅  
挾彈雕陵下垂鈎蓮葉東腕動飄香  
麝衣輕任好風  
幸承拂枕選得奉畫堂中金屏障翠帔  
藍幘覆薰籠  
本知傷輕薄含辭羞自通剪袖恩雖重  
殘桃愛未終  
蛾眉詎須嫉新妝近入宮

永輕句  
生動

從頓還城應令

漢水深難渡深潭見底清錦竿繫鳧舸  
珠竿懸翠旌  
鳴笳芳樹曲流唱採蓮聲神遊不停駕  
日暮返連營

寧願空房裏階下綠苔生

應令詠舞

倡女多豔色入選盡華年舉腕嫌衫重迴腰覺態妍  
情繞陽春吹影逐相思弦履度開裙襴鬟轉巾花釧

所愁餘曲罷爲欲在君前

結意曲迴腰一句嫌少異致

劉邈

彭城人曾爲侯景所得景攻臺城不克邈勸景乞和全師景然之

萬山見採桑人

倡妾不勝愁結束下青樓逐伴西城

一作郊

路相攜南

陌頭葉盡時移樹枝高乍易鉤絲繩挂且脫金籠寫  
後收蠶饑日已暮詎爲使君畱

見人織聊爲之詠

纖纖運玉指脉脉正蛾眉  
振蹕開交縷停梭續斷絲  
簷花照初月洞口垂朱帷  
弄機行掩淚翻令織素遲

二首詠事  
並能細肖

秋閨

螢飛綺窗外妾思霍將軍  
燈前量獸錦簾一作簷下織

花紋墜露如輕雨長河似薄雲  
秋還百種事衣成未

暇薰五六二句景中固有百種愁故不

陶弘景字通明丹陽秣陵人弱冠齊高帝引爲諸

自號華陽隱居梁武帝卽位屢  
加禮聘不出卒諡曰貞白先生

寒夜怨

夜雲生夜鴻驚淒切嘹唳傷夜情空山霜滿高煙平  
鉛華沈照帳孤明寒月微寒風緊愁心絕愁淚盡情  
人不勝怨思來誰能忍

頗近詩餘

詔問山中何所有賦詩以答

答齊高帝詔

山中何所有嶺上多白雲只可自怡悅不堪持寄君

題所居壁

弘景妙解術數逆知梁祚覆沒預製詩祕在篋裏化後門人方稍出之大

同末士人競談玄理不習武事後侯景篡果居昭陽殿

岑甫任散誕平叔坐談空不言昭陽殿化作單于宮

此無論昭陽殿恰合遂以爲識要亦理勢自然十世可知當由是道可以鑒矣

華陽頌

南峯秀玄鼎北嶺橫秦璧表裏玉沙津周廻隱輪跡

靈境可羨

曹景宗

字子震新野人也仕齊累官至竟陵太守及武帝起兵景宗率衆來從除郢州刺史

天監六年大敗魏於鍾離進爵爲公拜侍中領軍將軍卒

光華殿侍宴賦競病韻

景宗累立軍功天監初徵爲右衛將軍後破魏

師凱旋帝於華光殿宴飲聯句令左僕射沈約賦韻景宗啓求賦詩帝曰卿伎能甚多人才英拔何必止在一詩景宗已醉求作不已時韻已盡惟餘競病二字景宗便操筆而成帝深歎賞朝賢驚嗟竟日

去時兒女悲歸來笳鼓競借問行路人何如霍去病

自然英特故知詩  
以性情真切爲最

宗夬

字明叔南陽涅陽人世居江陵齊竟陵王集學士於西邸並見圖畫夬與焉明帝卽位以

爲郢州刺史仕梁至五兵尚書

### 荊州樂三首

迢遞樓雉懸參差臺觀雜城闕自相望雲霞紛颯沓

### 其二

章雲遊獵去紀郢從禽歸溶溶紫煙合鬱鬱紅塵飛

### 其三

朝發江津路暮宿靈溪道平衢廣且直長楊鬱裊裊

並高雅



周捨

字昇逸汝南安成人起家齊太學博士累遷至太常丞武帝卽位拜尚書祠部郎遷吏部

郎太子

詹事卒

還田舍

薄遊久已倦歸來多暇日未鑿武陵巖先開仲長室  
松篁日月長蓬麻歲時密心存野人趣貴使容吾膝  
况茲薄暮情高秋正蕭瑟

徐勉

字修仁東海鄉人仕齊累遷領軍長史梁武

帝卽位累官吏部尚書加中書令雖居顯職

不營產業大通中復授侍

中中衛將軍卒謚曰簡肅

迎客曲

絲管列舞席陳含聲未奏待嘉賓羅絲管舒舞席斂

袖嘿脣迎上客

送客曲

袖續紛聲委咽餘曲未終高駕別爵無算景已流空

紆長袖客不留

新體有致

徐悱

字敬業勉之第二子也位太子舍人累遷洗馬出爲湘東王友遷晉安內史先勉卒

古意酬到長史漑登琅琊城

甘泉警烽候上谷抵

一作抵

樓蘭此江稱豁險茲山復

鬱盤表裏窮形勝襟帶盡巖巒脩篁壯下屬危樓峻

上千登陴起遐望回首見長安金溝朝灞滻甬道入

駕鸞鮮車騫華轂汗馬躍銀鞍少年負壯氣耿介立

衝冠懷紀燕山石思開函谷九豈如灞上戲羞取路

傍觀寄言封侯者數奇良可歎

華壯末有感慨

徐摘

字士績東海郯人初爲晉安王侍讀及王爲皇太子轉家令出爲新安太守遷太子左衛

率簡文嗣位進授左衛將軍固辭不拜簡文被閑摘不獲朝謁感氣而卒摘文體旣別春宮盡學之官體之號自斯而起

賦得簾塵

朝逐珠胎卷夜傷玉鈎垂恒教羅袖拂不分秋風吹

新秀輕逸摘詩不多傳當時宮體於此想像之

徐君禕

字懷簡東海郯人孝嗣之子仕梁爲湘東王諮議參軍頗好聲色時時載妓肆遊荆

楚山川靡不畢踐

初春攜內人行戲

梳飾多今世衣著一時新  
草短猶通屣梅香漸著人  
樹斜牽錦帔風橫入紅綸  
滿酌蘭英酒對此得娛神

中四語少陵爲  
近惜起句率

別義陽郡

翔鳳樓遙望與雲浮  
歌聲臨樹出舞影入江流  
葉落看村近天高應向秋

孔燾

仕梁荆獄參軍簡文帝資遣孔燾二女教曰  
故無錫令孔燾經術弘長志履貞槩游處積

年一朝長往  
其見重如此

往虎窟山寺

聖情想區外脂駕出西南前驅聞鳳管後乘躍龍驂  
爰遊非逸豫幽谷有靈龕兼覲息心者宴坐臨清潭  
禪食寧須稼雲衣不待蠶蘋荇緣澗壑蘿葛蔓松楠  
鶯林響初轉春畦藥欲含惑心隨教遣法味與恩覃

庶憑八解力永滅六塵貪

押險語有法雖未自然亦不勉強此題鮑至一首有

林疎盡影出川去管聲遙短葉生喬樹疎花發早條遠峯帶雲沒流煙雜雨飄等句亦佳

劉峻

字孝標平原人年八歲與母沒於魏齊永明中奔江南爲蕭遙欣刑獄梁天監初召入西

省典校秘閣普通三年卒門人謚曰元靜先生

### 自江州還入石頭詩

鼓枻浮大川延睇洛城觀洛城何鬱鬱杳與雲霄半

前望蒼龍門斜瞻白鶴館槐垂御溝道柳綴金隄岸  
迅馬晨風趨輕輿流水散高歌一作唱梁塵下絙瑟荆  
禽亂我思江海遊曾無朝市玩忽寄靈臺宿空軫及  
關歎仲子入南楚伯鸞出東漢何能栖樹枝取斃王  
孫彈游戲宛洛之體乃真懷長往此意高出古人語並典雅可誦

### 始居山營室

自昔厭諠囂執志好栖息嘯歌棄城市歸來事畊織  
鑿戶闢巉嶢開軒望嶺巔激水簷前溜脩竹堂陰植  
香風鳴紫鷺高梧巢綠翼泉脉洞杳杳流一作沉波下

不極髣髴玉山隈想像瑤池側夜誦神仙記旦吸雲

霞色將馭六龍輿行從三鳥食誰與金門士撫心論

胸臆

意固超鑿戶四句  
寫營室境地蒼迥

劉緩

字舍度平原高唐人為湘東王錄事  
性虛遠有氣調風流迭宕名高一府

江南可採蓮

春初北岬涸夏月南湖通卷荷舒欲倚芙蓉生卽紅

楫小宜迴逕船輕好入叢釵光逐影亂衣香隨逆風

江南少許地年年情不窮

和晚日登樓

蔡文作  
劉綬

所以登臺榭正重接煙霞長絲

一作虹

觸欄斷歸鳥避

窓斜俯巢窺暝宿臨樹摘高花百雉時方晚九層光

尚賒

極寫樓高歸鳥句初盛唐名手始有之

冬宵

別後春池異荷盡欲生  
冰箱中剪刀冷臺上面脂凝  
纖腰轉無力寒衣恐不勝

寒閨

不堪寒夜久夜夜守空牀  
衣裾逐座禱釵影近燈長  
無憐四幅錦何須辟惡香

中二句有作意釵影以近燈而長語更佳

劉瑗

左右新婚

詩彙作劉綬

小史如初日得婦類行雲琴聲

律祖作綺琴

妾曾聽桃子

古詩選

卷之二十七

梁六

美



律祖作  
繡桃

婿經分蛾眉參意畫繡被共籠薰可憐雙美

合休持惱使君

結以律祖所載爲佳特參  
用之妖麗題詩頗能稱

### 在縣中庭看月

移榻坐庭陰初弦時復臨侍兒能勸酒貴客解彈琴

栢葉生鬟內桃花出髻心月光移數尺方知夜已深

劉顯

字嗣芳沛國相人官尚  
書左丞仕至尋陽太守

### 發新林浦贈同省

回首望歸途山川邈離異落日懸秋浦歸鳥飛相次

感物傷我情惆悵懷親懿

情真語  
何必深

陸倕

字佐公吳郡人慧曉之子十七舉秀才竟陵  
王開西邸延爽俊倕預焉天監初爲安成王

主簿遷臨川王東曹掾武帝雅愛倜  
才官至揚州大中正遷太常卿卒

和昭明太子鍾山解講

終南鄰漢闕高掌跨周京復此虧山嶺穹窿距帝城  
當衢啓珠館臨下構山楹南望窮淮潑北眺盡滄溟  
步簷時中宿飛階或上征網戶圖雲氣龕室畫仙靈  
副君憐世網廣命萃人英道筵終后說鑾轡出郊坰  
雲峯響流吹松野映風旌睿心嘉杜若神藻茂琳瓊  
多謝先成敏空頒後乘榮

此等詩雖無大佳處當觀其工穩乃唐人應制所祖

以詩代書別後寄贈

藝文作贈京邑僚友

余本水鄉士閉門江海隅時逢世道泰蹇足步高衢

名成宦雖立效微功日疎入仕乘肥馬出守擁高車  
關門遊昔吏遷亭有故書江派資賢牧宗英出建旗  
不勞王布鼓無賴露田車弼政非責實求名已課虛  
長卿病猶在脩齡疾未祛詎知亭長肉寧挂府丞魚  
不能未能止內訟慙諸已僂俛從王事纒舟出淮泗  
朋故遠追尋暝宿清江陰明旦一分手翻飛各異林  
歸舟隨岸曲猶聞歌棹音行者日超遠誰見別離心  
夕次洲洲岸明登慈姥岑水流多迴復余歸良未尋  
江關一作中寒事早夜露傷秋草心屬姑蘇臺目送卬  
鄆道葭葦日蒼蒼親知慎早涼劉兄消渴病休攝戒

無良殷弟癩眩疾行止避風霜劉侯有餘冷宜餌

一作休

釐方伏子多風咳門冬幸易將率更愛雅體體

弱思自強吏曹勉玉潤諷議勗金相比部多暇日奚  
用肆龍章建德何爲者無墮無人鄉記室朋從暇露  
蛄附行商議曹坐朝罷尺板嗣徽芳雙栖成獨宿俱  
飛忽異翔眷言思親友沉思結中腸追惟疇昔時朝  
府多歡暇薄暮塵埃靜飛蓋遙相迓李郭或同舟潘  
夏時方駕娛談終美景敷文永清夜促膝豈異人戚  
戚皆朋一作姻姪今者一乖離漼然心事差山川望猶  
近便似隔天涯玉躬子加護昭質余未虧八行思自

古詩選

梁六

三

勉一札望來儀

淋漓盡情劉兄以下敘次十人未免沓拖亦多率句而全篇有饒風致處

追惟一段神情飛舞梁人詩

若此條暢抒寫者不多得

荀濟

字子通潁川人後居江左初與梁武帝布衣相知及帝登位仕不及之濟負氣曰會看鼻

上磨墨作微耳帝深不平之後又上書極詆佛法帝怒將加顯戮濟密逃於魏欲匡靜帝事露

爲齊文襄所執燔殺之

贈陰梁州

梁州刺史陰子春左遷濟作大詩贈之文傳時俗或稱于帝者帝曰箇人

雖有才亂俗好反不可用濟以不得志常懷怏怏二十餘載後因論佛法奔魏

副尉西域返伏波南海還坎壈多構難鬱快少騰遷

孰云功未立寧是契不全直爲逢迎寡良由聽受偏

若人本高絕芬馥邁蘭荃驅車趨折坂匡坐酌貪泉

沈疢豈虛唱席皮良信然羣醉嫉孤醒衆嬖惡獨妍  
龍旗翻委鬱鷁軸更迴遄鵬勢終橫海鵬力會冲天  
昔余遇知己一面深千祀紆人重結襪辱德逾過市  
詩酒悅風雲琴歌賞桃李淹留漢水曲契闊渝川涘  
結綬惟貢公推名實鮑子徒然懷伏劍終無報國士  
高懷不可忘劍意何能已已作金蘭契何言雲雨別  
咄嗟改容鬢俄頃彌年歲海曲窮地表江源表天際  
雲泥已殊路暄涼詎同節柳絮亟如絲梅花屢成雪  
月落桂陰遠風起萱條結鶴舞想低昂鵬絃夢清切  
聞君戍靈關瓜時猶未還數汎明月沼頻遊向一作當

日灣金碧應髣髴輪鏡幾登攀復承西歸後將兵出  
湖口經過道路長往來日月久玉體何容歇金漿故  
應有陽臺可譙私章華堪置酒旣彈趙人瑟復擊秦  
人缶缶瑟多奇調秦趙饒姝妙得意在雙眸傾城猶

一笑伯喈恩

一作思

實早十杜

一作柱

天終少歿等盛姬

傷存同魏車照君子篤久要宿昔盛賓僚依依集鱗  
羽眷眷共枝條一朝限岐路萬里異波潮容儀雖眇  
眇夢想尚昭昭新人不相識故人詎相憶杳杳間山  
川迢迢阻音息各附青雲遠詎假排虛力風月接歡  
宴酒醴承顏色安知慕儔者潺潺涕沾軾僕本不平

人悲愁眉亦頽年來空自老歲去不知春未能全一作

會體命於中欲問津五噫如適越十上似遊秦肌膚

積霜露膂力倦風塵烏裘日日故白髮朝朝新人生

感意氣相知無富貴懷趙實廉頗思燕唯樂毅大選

咆咻士廣募嫖姚尉映月比刀環瞻星看劍氣郢路

一迢遠長楸幾獻欬渤澥水尚寬崦嵫日猶未丈夫

志四海兒女多辭費待余濟濁河從君宿清渭才氣奔溢

頗似青蓮固非齊梁人所有詳篇末已寓北投之意何竟不避諱

江從簡

濟陽考城人韋之子少有文名位司徒從事中郎侯景亂爲任約所害

採蓮諷

何敬容爲宰相從簡時年十七爲採荷調以刺之敬容覽之不覺嗟賞愛其巧



欲持荷作柱荷弱不勝梁欲持荷作鏡荷暗本無光

調笑  
有致

采菽堂古詩選

卷之二十七終